

61509

Canz. Nap. B. II. 396.

N. 1855

Ammore, ammore!

Versi di A. CALIFANO

Musica di E. DI CAPUA

1.

Ammore, ammore mio! tu che m'he fatto?
O vvide o no, comme songo arredutto?
'I nott' 'e ghiorno comm' 'a l'onne sbatto
E lacreme 'nu sciummo n'aggiu strutte.
Peggio 'e nu chiuovo sott'a nu martiello
Turmiento chistu core puveriello!



2.

Pecchè, quann' i' guardaje, tu me guardaste?
Pecchè, quann' i' redette, tu rediste?
Cu na guardata tu me cunzunaste...
'Neroce, cu na resata me mettiste!
Quanto soffro pe' tte, tu nun 'o ssaje;
Ah! nun t'avesse cunusciuta maje!

3.

Vurria scurdarme 'e te... ma si putesse!
Chillu ritratto tujo sempe 'aminaccia...
E me pare 'e senti comme dicesse:
« Te può scurdà chist' uocchie e chesta faccia? »
Ammore, ammore! che m'hè cumbinato...
Nun straziarme cchiù, ch'è nu peccato!

Prop. lett. Tipografia Editrice Bideri — S. Pietro a Majella, 17 — Napoli.

L'editore BIDERI ha pubblicato un grande assortimento di canzoni per Mandoline
Chiedere Catalogo






Ammore, ammore !

Versi di A. CALIFANO

Musica di E. DI CAFUA

And^{te} mod^{to}

MANDOLINO 



Ammore Ammore